

stus est DEUS, Christus est Homo; vel ab utraqve, ut Christus est θεός ἁπλῶς & Deus & Homo. Quædam v. agunt de communicatione Idiomatum, & hæ vicissim sunt variæ, juxta varia communicationis Idiomatum genera. Ex his jam dictis facile liquet, qualis sit hæc Propositio: *Verbum vita est visum, auditum, & manibus contrectatum*, nimir. inusitata & à personalibus orta, quæ agit de communicatione Idiomatum, & spectat ad primum Communicationis Idiomatum Genus, sc. ἰδιωματισμῶν, ubi idiomata Humana tribuuntur Deo, E. attribuuntur λόγῳ id est Filio DEI, per & propter unionem illam personalem, juxta Reg. Theol. *Quod uni unitorum competit per se, id alteri competit per & propter unionem illam personalem.* At jam Humanæ Christi naturæ competit hæc propos. quæ in textu habetur per se. E. Divinæ ipsius naturæ competit per & propter istam unionem duarum naturarum Humanæ sc. & Divinæ.

Q. IV. *Cur Filius Dei dicatur λόγος?* Resp. (1.) Filium Dei septies à Johanne λόγος dici, utpote Joh. 1. 1. ubi ter λόγος appellatur: *In principio erat sermo & veri. 14. semel. Verbum caro factum est.* Sic 1. Joh. 2. 1. *Quod erat ab initio &c.* iterum semel. Item 1. Joh. 5. 7. quoque semel: *Tres sunt qui testimonium dant in Cælo, Pater, Verbum & Sp. S. Apoc. 19. 13. etiam semel: Es vestitus erat veste sanguine tincta; & vocatur nomen ejus sermo Dei.* 2. λόγος enim seu sermo vocatur πρώτως ob æternam à Patre generationem. Δευτέρως vero seu secundariò ob temporalem voluntatis Divinæ revelationem. Quod autem ob æternam à Patre generationem πρώτως λόγος appelletur duabus probationibus; Nam (a) Jam λόγος erat in principio ante omnem revelationem. Joh. 1. 1. Et Sapiencia de initio viarum Domini per & propter æternam generationem hyperphysicam: Prov. 8. 22. 24. (β) Ratione hujus enim generationis hyperphys. convenientiam quandam habet λόγος Dei cum λόγῳ nostro καὶ ἔσω absolute & secundum esse substantiale. Quoad Revelationem verò voluntatis Divinæ καὶ ἔξω, ad extra relatè, adeoque secundum respectum accidentalem; Unde hoc Porisma notandum venit; *Quod magis λόγος dicatur, quàm Filius Dei est, quàm quàm Patris legatus, & magis λόγος dicatur ob æternam à Patre generationem, quàm ob temporalem voluntatis Divinæ revelationem & patefactionem.* Consequencia est manifesta;

Nam